

Broj: UP1-06-13-1-140-1/24
Mostar, 29.4.2024. godine

Na osnovu člana 23. stav (1) tačka j) Zakona o električnoj energiji Federacije Bosne i Hercegovine („Službene novine Federacije BiH“, broj 60/23), člana 42. stav (1) tačka h) Pravilnika za izdavanje dozvola (Službene novine Federacije BiH, broj 2/17, 39/20, 82/21 i 1/23) i člana 9. Pravilnika o regulatornim naknadama („Službene novine Federacije BiH“, broj 94/23), postupajući po službenoj dužnosti u postupku oduzimanja Dozvole za rad za proizvodnju električne energije broj UP1- 06-03-612/45/17 imaoća dozvole Fotonaponska elektrana „SOLAR-RAMA“, vl. Slavko Žilić, Matkovići bb, Prozor-Rama, Regulatorna komisija za energiju u Federaciji Bosne i Hercegovine – FERK je 29.4.2024. godine na XI redovnoj sjednici donijela sljedeće

R J E Š E N J E

o oduzimanju dozvole

1. Imaocu dozvole Fotonaponska elektrana „SOLAR-RAMA“, vl. Slavko Žilić oduzima se Dozvola za rad za proizvodnju električne energije broj: 06-03-612/45/17, izdana Rješenjem broj: 06-03-612-09/45/17 od 7.11.2017. godine, sa periodom važenja od 7.11.2017. godine do 6.11.2027. godine.
2. Imalac dozvole je stekao status kvalifikovanog proizvođača u objektu solarna fotonaponska elektrana „SOLAR-RAMA“ Rješenjem broj: 06-03-612-09/45/17 od 7.11.2017. godine, koji važi od 7.11.2017. godine do 6.11.2027.. godine.
3. Imalac dozvole iz tačke 1. ovog rješenja obavezan je platiti regulatornu naknadu za 2024. godinu za period važenja dozvole za rad u 2024. godini u iznosu od 162,57 KM, u roku od 30 dana od dana primanja ovog rješenja.
4. Ovo rješenje je konačno, te se objavljuje na službenoj internet stranici FERK-a.
5. Stupanjem na snagu ovog rješenja prestaju važiti tačke 1., 3., 4., 5., 6., 7., 8. i 9. Rješenja broj: 06-03-612-09/45/17 od 7.11.2017. godine, kojim je izdata Dozvola za rad za proizvodnju električne energije broj: 06-03-612/45/17.

O b r a z l o ž e n j e

Članom 23. stavak (1) tačka j) Zakona o električnoj energiji Federacije Bosne i Hercegovine propisano je da FERK može oduzeti dozvolu ukoliko imalac dozvole ne plati regulatornu naknadu, što je propisano i članom 42. stavak (1) tačka h) Pravilnika za izdavanje dozvola. Članom 43. ovog pravilnika propisano je da se postupak obnove, izmjene i dopune, oduzimanja i prenosa dozvole, vodi na isti način kao i postupak izdavanja dozvole, ali i da ukoliko su u zahtjevu za pokretanje postupaka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu bez održavanja javne rasprave.

FERK je Rješenjem broj 06-03-612-09/45/17 od 7.11.2017. godine izdao imaoću dozvole Fotonaponska elektrana „SOLAR-RAMA“, vl. Slavko Žilić Dozvolu za rad za proizvodnju električne energije broj 06-03-612/45/17. Tačkom 15. dozvole propisano je da je imalac dozvole obavezan da plaća regulatornu naknadu za obavljanje licencirane djelatnosti na način i u iznosu koji utvrdi FERK posebnom odlukom.

U vezi navedenog, FERK je utvrdio da imalac dozvole Fotonaponska elektrana „SOLAR-RAMA“, vl. Slavko Žilić nije ispunio uslov iz tačke 15. dozvole, odnosno nije platio regulatornu naknadu za 2024. godinu u iznosu od 500,00 KM, što je bio u obavezi u skladu sa Rješenjem FERK-a broj 08-11-1575-1/23 od 19.12.2023. godine.

Zbog navedenog, u skladu sa članom 42. stav (2) i članom 47. tačka a) Pravilnika za izdavanje dozvola FERK je imao dozvole Fotonaponska elektrana „SOLAR-RAMA“, vl. Slavko Žilić 20.3.2024. godine pod brojem 06-13-5-382-1/24 uputio Opomenu, kojom je istom ostavljen rok od osam dana od prijema opomene da izvrši plaćanje ukupnog dugovanja po osnovu regulatorne naknade u iznosu od 500,00 KM, te da dostavi detaljno obrazloženje razloga neplaćanja regulatorne naknade.

U istoj opomeni imalac dozvole je upućen da će FERK, u slučaju da isti ne otkloni navedene nedostatke u datom roku, pokrenuti postupak oduzimanja predmetne dozvole u skladu sa članom u skladu sa članom 23. stav (1) tačka j) Zakona o električnoj energiji Federacije Bosne i Hercegovine i članom 42. stav (3) Pravilnika za izdavanje dozvola.

Imalac dozvole Fotonaponska elektrana „SOLAR-RAMA“, vl. Slavko Žilić je predmetnu opomenu primio 25.3.2024. godine, ali u ostavljenom roku nije postupio po navedenoj opomeni, niti je u FERK dostavio bilo kakvo obrazloženje vezano za navode iz iste.

Kako imalac dozvole nije otklonio nedostatke navedene u Opomeni broj 06-13-5-382-1/24 od 20.3.2024. godine, stekli su se uslovi za oduzimanje dozvole u skladu sa članom 23. stav (1) tačka j) Zakona o električnoj energiji Federacije Bosne i Hercegovine, te članom 42. stav (1) tačka h) i stav (3) Pravilnika za izdavanje dozvola, sa tim da imalac dozvole zadržava i dalje status kvalifikovanog proizvođača u objektu solarna fotonaponska elektrana „SOLAR-RAMA“, koji je stekao Rješenjem broj: 06-03-612-09/45/17 od 7.11.2017. godine.

Nadalje, Rješenjem FERK-a broj 08-11-1575-1/23 od 19.12.2023. godine je, između ostalih i Fotonaponska elektrana „SOLAR-RAMA“, vl. Slavko Žilić kao postojećem imao dozvole za obavljanje djelatnosti proizvodnje električne energije u elektranama ukupne instalisane snage do uključivo 1 MW, u tački 94. utvrđen pojedinačni iznos godišnje regulatorne naknade za 2024. godinu u iznosu od 500,00 KM. U skladu sa članom 9. Pravilnika o regulatornim naknadama, imao dozvola za obavljanje elektroenergetskih djelatnosti, kojima se vrši oduzimanje dozvole, iznos regulatorne naknade preračunava se pojedinačnim rješenjem u skladu sa periodom važenja dozvole u tekućoj godini, o čemu se imalac dozvole obavještava dostavom obavještenja o obavezi plaćanja. S obzirom na navedeno, regulatorna naknada za 2024. godinu je preračunata i ista sada iznosi 162,57 KM.

Slijedom navedenog, te s obzirom da se stanje stvari može utvrditi na osnovu službenih podataka kojima FERK raspolaže, iz kojih razloga je postupak proveden bez objave obavještenja za javnost i bez održavanja javne rasprave FERK je u skladu sa članom 23. stav (1) tačka j) Zakona o električnoj energiji Federacije Bosne i Hercegovine, odnosno članom 42. stav (1) tačka h) i članom 43. stav (2) Pravilnika za izdavanje dozvola, odlučio kao u dispozitivu ovog rješenja.

POUKA O PRAVNOM LIJEKU:

Protiv ovog rješenja može se tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDSEDavajućeg FERK-a
Jasmin Bešo, s.r.**